



Հակոբ Պարոնյան

Մեղու

ՔՈՒԵԱՐԿՈՒԹԵԱՄԲ ԹՈՒԱԲԱՆՈՒԹԻՒՆ

Տասնի շափ յետադիմական երեսփոխաններ շուկան դերձակի մը խանութը նստած՝ ազգային կենսական խնդրոց վրայ վիճաբանած ատեննին՝ պանդուխտ ազգային մը դիմացի խանութէն երեքական դուրուշի տասնըշորս կանգուն պասմայ առած ըլլալով եւ հաշին ալ չկրնալով ընել, այս երեսփոխանաց գտնուած խանութը կը մտնէ ու կը հարցնէ.

Երեք անգամ տասնըշորս քանի՞ կ'ընէ:

Քսանըութը, ըսաւ մէկը: Ոչ, երեսունըմէկ կ'ընէ, ըսաւ ուրիշ մը: Սխալ է, քսանըիննուկէս դուրուշ կ'ընէ, ըսաւ երրորդ մը. իննսունըինը դուրուշ կ'ընէ, պոռաց չորրորդ մը: Կարծեն քսան դուրուշ տասը փարայ կ'ընէ, որոտաց անդիէն ուրիշ մը: Վերջապէս ամէնն ալ մէյմէկ քան ըսելով, երբ տեսան թէ հակակարծիք են իրարու, մէջերնին մէկը առաջարկեց, որ քուի դնեն ու մեծամասնութեամբ հասկնան քանի դուրուշ ընելը: Այս առաջարկութիւնը ընդունուելով մէջերնին մէկը ատենապէտ եղաւ եւ ըսաւ.

Խնդիր մը կայ լուծուելու, կ'աղաչեմ որ կիրքը մէկոի ընէք եւ խղճի ձեր կարծիքը յայտնէք: Խնդիրը այս է, որ երեք անգամ տասնըշորսը քանի՞ կ'ընէ: Իմ կարծիքս այս է, թէ ուրսունըմէկ կ'ընէ, ուստի ով որ իմ կարծիքս կ'ընդունի, թող ձեռքը վեր վերցնէ:

Ինը երեսփոխանք ձեռության վեր վերցնելով միաձայն հաւանութեամբ որոշեցին, որ ասկեց վերջը երեք անգամ տասնըշորսը ութսունըմէկ պիտի ընէ:

Այս որոշումը ատենագրութեան մէջ կ'արձանագրուի: Պանդուխտ ազգայինը այս որոշումը առնելուն պէս շուտով կ'երթայ ութսունըմէկ դուրուշը կու տայ խանութպանին:

Խանութպանը շնորհակալութիւն կը յայտնէ:

Պանդուխտը խանը դարձած ատեն իր բարեկամներէն մէկուն կը հանդիպի, որն իր ձեռքի պասմայի կանգունը քանիի առած ըլլալը եւ քանի դուրուշ տուած ըլլալը հարցնելով տեղեկանալէն ետքը խարուած ըլլալը կ'իմացունէ, բայց մեր պանդուխտը չուզելով համոզուիլ, երկուքը մէկէն յետադիմականաց գտնուած խանութը կ'երթան:

Աղաներ, երեք անգամ տասնըշորս քանի՞ կ'ընէ եղեք:

Մեր կարծիքը ըսինք ա իրեն:

Ինձի ալ ըսէք, քանի՞ կ'ընէ:

Զանըմ, իրեն ըսինք ա, մենք օրը հազարումէկ որոշում կու տանք, ամէնն ալ մտքերնիս կը մնա՞յ մի, մեր որոշումը իրեն հաղորդուած է:

Ինձի ալ չըսէ՞ք:

Կարապետ, սա ատենագրութիւնը քաց տէ կարդայ նայինք, երեք անգամ տասնըշորսին վրայօք ի՞նչ որոշում տուած է ժողովը:

Ութսունըմէկ գրուած է:

Եհ, անանկ է նէ՞ ութսունըմէկ է:

Ի՞նչպէս ութսունըմէկ կ'ընէ. իմ հաշուովս քառասունըերկու դուրուշ կ'ընէ կոր:

Երկար ըրիր ա, հիմա տասը հոգի սո՞ւտ պիտի ըսեն քեզի:

Սուտ չէ, բայց սխալած էր:

Կորսունցէ՛ք սրկէ, ձեր միտքը ազգին մէջ երկպառակութիւն ձգել է Սահմանադրութիւնը վտանգել է, մենք գիտենք, ասոնց ամէնը Խրիմեանին զլխուն տակէն է:

Պանդուխտը կը շուարի կը մնայ, բայց իր ընկերը համոզելով՝ մէկտեղ պասման ծախողին կ'երթան ու երեսունընը դուրուշը ետ կ'առնեն:

Յետադիմականք դեռ իրենց որոշումը ետ առած չեն:

ՎԱՐԺԱՊԵՏԱԿԱՆ ԺՈՂՈՎ

Անցեալ կիրակի վարժապետական ժողովը գումարուեր է. բայց այս անգամ անոր անդամներէն մին խնդրոց կարգը փոխելով գրաբարի ու աշխարհաբարի խնդրոյն վրայ վիճաբանելու տեղ գիրքերը այրելու խնդրոյն վրայ խ օ սեր է:

Քարաքաշեան Էֆենտիի հրատարակած դասագրքերը անկրօնութիւն կը սորվեցնեն եղեր, ուստի զանոնք այրելու է եղեր:

Մեզի մնայ նէ՛ Քարաքաշեանն ալ այրելու է, որովհետեւ ողջ մնայ նէ՛ դարձեալ անանկ գրքեր կը հրատարակէ:

Եւ արդարեւ քերականութեան որչափ դասագրքեր կան նէ՛ ամէնն ալ կրօնքի դէմ են, որովհետեւ ուղիղ խօսողը՝ կրօնքի դէմ կը խօսի: Այս հաշուով Փափազեան Ստեփան Էֆենտին ալ տապկելու է, վրան ալ քիչ մը լիմոն սխսնելով Քարաքաշեանի քովը նետելու է:

Ասկից զատ թուաբանութեան դասագրքերն ալ անկրօնութիւն կը սորվեցնեն: Երկու անգամ երկուրդ չորս կ'ընէ եղեր: Ի՞նչ փաստ ունինք ձեռքերնիս, որով կարենանք հաստատել, թէ երկու անգամ երկուրդ չորս կ'ընէ: Յայտնի է, որ ասիկա դիւաց մէկ գիւտն է, եւ Աւետարանը չըսեր մեզ թէ՛ երկու անգամ երկուրդ չորս կ'ընէ:

Թուաբաննե՛րն ալ այրելու է:

Հապա աշխարհագրութեան դասագրքերը ո՞ւր թողունք:

Արեւը սանկ կը քալէ եղեր, երկիրը նանկ կը դառնայ եղեր, աշխարհս կլոր է եղեր, ասոր պէս խել մը սուտ բաներ գրուած են մէջը: Աշակերտը անզամ մը զանոնք կարդայ նէ՝ ալ անոր քովը կրօ՞նք կը մնայ:

Կրակը քիչ մը շատկեկ դնելու է տէ, աշխարհագրութեան դասագրքերն ալ այրելու է, տղաքները քիչ մը տաքնան:

Այս ամէնը այրելէն ետքը կարգը կու գայ դպրոցներուն: Մէկ կողմէն ալ ասոնք կը սկսինք այրել, մէյ մ'ալ կը նայիս, որ ազգը անզգալապէս լուսաւրուած կ'ըլլայ:

ԹԱՏՐՈՆ ԱԶԻՉԻԵ

Բարով ձեզ, Վարդովեան Էֆենտի, դերասանք ու դերասանուիիք, բարեւ ձեզ, յուշարարք, բարեւ ձեզ, դոնապանք եւ պահապանք, եւ վերջապէս բարեւ ձեզ, այն ամէն գոյական անուններ, որ թատրոնի մէջ կը գտնուիք:

Դերասանք եւ դերասանուիիք, արդեօք մտքերնէդ անցա՞ծ է երբեք, որ ես ալ ձեզի արուեստակից եմ:

Դուք ձեր անձին վրայ ուրիշ անձեր կը ներկայացնէք, ես ալ Մեղուին մէջ անձեր կը ներկայացնեմ. դուք երբեմն կը խնդացնէք եւ երբեմն ալ կը լացնէք, ես միշտ կը խնդացնեմ եւ երբեմն ալ կը լացնեմ. դուք մաս գոց կ'ընէք եւ դեր կը կատարէք, ես ալ մաս գոց կ'ընեմ, եւ երբեք ականջս յուշարարի չեմ ծախեր, ինչպէս որ ձենէ ոմանք կը ծախեն երբեմն. ուրիշները խնդացուցած ատենս ես չեմ խնդար, ինչպէս որ կը խնդան ձենէ ոմանք. եւ եթէ երբեմն Մեղուի մէջ իմ կողմէս քահրահ մը տեսնէք, գիտցէք, որ խնդացնելու կանոնները պահած ըլլալու համար ստիպուած եմ խնդալու. եւ եթէ երբեմն լա՛մ շհասկնաք, որ սիրտս ելած է եւ անոր համար կու լամ, ոճիս սաստկութի՛ւն տալու համար է, որ կու լամ, ճարտասանական կանոններու համեմատ վարուելու համար միայն կու լամ:

Դեր կատարելու կարգը ինձի գալուն պէս վայրկեան մը չկորսնցուցած տեսարան կու գամ գործս լմնցնելուս պէս տեսարանէն կը քաշուիմ: Դուք

շաբաթը երեք, չորս անգամ կը ներկայանաք, ես երկու անգամ կը ներկայանամ, դուք ձեր շրջանը լմնցնելնուղ պէս երկու երեք ամիս թատրոնը կը գոցէք եւ հանգիստ կ'ընէք, ես շրջանս չլրացուցած՝ անզիտութեամբ տպագրական օրինաց դէմ յօդուած մը կը հրատարակեմ, ես ալ իմ Թատրոնս կը գոցեմ:

Վարդովեա՛ն Էֆենտի, ալ այսչափ իրարու նմանելնէս վերջը չեմ գար ձեզի հարցնելու՝ թէ շատ հանդիսականներ ունի՞ք. իմ ընթերցողացս թիւն թատրոն եկողներուն թիւը կը գուշակեմ, ձեր վիճակը լաւ մը հասկնալու համար պէտք չունիմ ձեր գրպանները նայելու: Թշուառականնե՛ր, ձեռքս գրպանս խորելուս պէս՝ ձեր վիճակը կը գուշակեմ եւ կը ցաիմ:

Գրպաններնիս ալ երկուորեակներու պէս ասանկ իրարու նմանելէն ետքը, ի՞նչ պէտք ունիմ ձեզի զալ հարցնելու թէ՝ վհատա՞ծ էք: Ինքզինքի՛ս կը հարցնեմ եւ կը հասկնամ, որ վհատած չե՛մ. այն ատեն ցաւս ուրախութեա՛ն կը փոխուի, գրիշս կը նետեմ եւ մտքէս կ'ըսեմ.

Ես չե՛մ վհատած, անո՞նք ալ չեն վհատած:

ՄԵՂՈՒ ԱՌ ՎՍԵՄ. ՅԱԿՈԲ ԷՖԵՆՏԻ ԿԵՕՉԵԵԱՆ

Էֆենտի՛:

Ձեր վսեմութիւնը Մեղուէ բնաւ խայթուածք ընդունած չունի կարծեմ. որովհետեւ ձեր սենեակը մեղու մը մտնելուն պէս՝ սպասատրք, խոհարարք, մատակարարք եւ սպասուիիք շուտով իրենց թաշկինակովը կը զինուին եւ հալածական կը վաճեն խեղճ կենդանին, որպէսզի ձեր վսեմութիւնը շխայթէ:

Բայց այս անգամ այդ թաշկինակները ստակ չե՛ն ըներ, խայթելո՛ւ համար եկած եմ, պիտի խայթե՛մ, ճար չկայ. եւ աւելի ցաւալին այն է, որ լեզունի՛դ պիտի խայթեմ. խայթուածքս ականջդ պիտի անցնի եւ լեզուիդ վրայ պիտի մնայ:

Էֆենտի՛, դուք սորված ըլլալով անոր ասոր ոսկիներ տալով բարեգործութիւններ ընել, կարծեր էք, որ ուզածնուղ իրաւունք տալով՝ բարեգործութիւն մը ըրած կ'ըլլար:

Ձեր վսեմութիւնը սխալա՛ծ է հոս, ուստի սորվեցէք, որ մեծ տարբերութիւն կայ ուկի եւ իրաւունքի մէջտեղը. ուկին՝ ուկի չունեցողին կրնայ տրուիլ, բայց իրաւունքը՝ իրաւունք ունեցողին միայն տրուելու է:

Էֆենտի, մարգարեական հոգի՝ ունիք դուք, որ առանց երկու կողմը լսելու եւ դատելու կը վճռէք թէ՝ Մամուլ իրաւունք ունի:

Ձեզի շնորհ մը ընելու համար պահ մը կ'ընդունիմ, որ մարգարէ մէք, բայց դուք ալ ընդունեցէք, որ մարգարէներու մէջ բացառութիւն մէք. որովհետեւ ծառադ առանց մարգարէ ըլլալու կրնամ գուշակել, որ Մամուլ յանցաւոր է այս խնդրոյն մէջ: Մամուլին խիդան ալ այսպէս կը վկայէ. դուք ձեր վկայութեամբ երիցս յանցաւոր էք, որովհետեւ թէ՝ Օրագիրը անպատուել կ'ուզէք եւ թէ՝ Մամուլին խղճին հակառակը կը խօսիք:

Կը զքոսնո՞ւք կոր, Էֆենտի. անոր ասոր պատիւը ձեր զուարձութեա՞ն կը զոհէք. ըսէք, Էֆենտի, շատ խնդացի՞ք, երբ Մամուլին մէջ կարդացիք, որ Օրագիր զիշերները շուներուն հետ կը պառկի, շուները Օրագրին ձեռքէն հացերը յափշտակեր են, Օրագրին տղաները տունը անօթի մնացեր են: Այս, խնդացիք եւ հիմա ալ կ'ըսէք, թէ Մամուլ իրաւունք ունի:

Գիտցէ՛ք, Էֆենտի, եթէ ես ըլլայի Օրագրին տեղ, կ'երդնում, որ յանուն արդարութեան, գրչիս ճարա՛կ կ'ընէի ձեր անունը լրագրական աշխարհի առջեւ:

Էֆենտի, տեղույս անձկութիւնը կը ստիպէ զիս յաջորդ թիւերու քողուլ այս մասին միւս ըսելիքներս. ուստի հաճեցէք հիմակուիհիմա ընդունիլ իմ խոնարհ խայթուածքս:

Ասանկ փափուկ պարագաներու մէջ ձեր քերանը աւելի լաւ կ'ընէ, եթէ համադամ կերակուրներ ուտելո՛ւ զքաղի, քան թէ խօսելու:

Ծո՛ւտ ըրէք, սպասաւորք, քիչ մը կա՛ւ քերէք եւ Էֆենտիին լեզուին վրայ դրէք, որ խայթուածքին ուսուցըք անցնի...

ԱՌ ՎՍԵՄԱՓԱՅԼ ԱՆՈՒԱՆԱԿԻՑԴ ԻՄ ԿԵՕՉԵԵԱՆ ԷՖԵՆՏԻ

Որչափ բարեկամներ ունիք եղեք դուք, Էֆենտի: Շատերէն մեղադրուեցայ՝ ձեր վսեմութեան երկու վսեմութեան խօսք ընելուս համար. նոյնիսկ ինձ բարեկամ կարծածներս վրաս յարձակեցան եւ պնդեցին, որ գրածս յետս կոչեմ, ապա թէ ոչ, ըսին, նորին վսեմութիւնը կարող է թերթ գոցել, զրեզ բանտը դնել եւ այլն: Սովորական ժպիտովս ճամբեցի զիրենք. ըսելով թէ՝ կամ դուք նորին վսեմութիւնը աղեկ չեք ճանաչնար կոր, կամ իմ նուաստութիւնս: Աւելցուցի նաեւ թէ՝ նորին վսեմութիւնը մեզի պէս մարդոց պէտք ունի, մեզմէ սորվելիք ունի. մինչդեռ մեզի պէս մարդիկ նորին վսեմութեան պէտք չունին: Այս ճշմարտութիւններն ըսի իրենց, բայց անոնք դարձեալ շհամոզուեցան:

Ես միայն համոզուեցայ, որ դուք շատ բարեկամներ ունիք:

Արդ, ինչո՞ւ ես բարեկամ չունենամ եւ դուք ունենաք, Էֆենտի: Ի՞նչ է ասոր պատճառը:

Ասոր պատճառը դու եւ ես միայն զիտենք, եւ ես կ'ուզեմ, որ բոլոր աշխա՞րհ զիտնայ, ուստի պէտք է ասոր վրայ երկարօրէն խօսիլ յաջորդ թուով:

Մնամ վսեմափայլ անուանակցիս

Վսեմափայլ անուանակիցդ

ԹԷ ԻՆՉՈՒ ԿԵՕՉԵԵԱՆ ԷՖԵՆՏԻ ՄԵՂՈՒԻՆ ԱՒԵԼԻ ԲԱՐԵԿԱՍ ՈՒՆԻ

Վսեմափայլ Էֆենտի:

Մոլութիւններ հարուածելու պաշտօնը վարող թերթ մը առաւել խղճի ատեանին ապահնելով զրելու է՝ քան թէ քաղաքական ատեանին:

Քաղաքականութեան եւ բարոյականութեան մէջ անհուն տարբերութիւն կայ: Աս երկուքը հաշտ չեն եւ չպիտի կրնան ըլլալ: Քաղաքականութեան մէջ միշտ բարոյականութիւն չկայ. ինչպէս որ բարոյականութեան մէջ ալ քնար քաղաքականութիւն չկայ. եւ ասոր համար է, որ ինչ որ շատ անզամ կը դատապարտէ քաղաքականութիւնը՝ զայն կ'արդարացնէ բարոյականութիւնը:

Քաղաքական ատեանի մը առջեւ շատ անգամ լաւ փաստաբանող մը դիմացինին տկարութեամբը դատը կը վաստեի. իսկ բարոյական ատեանի մը առջեւ յանցաւոր մը միշտ կը պատժուի՝ որչափ ալ տկար, որչափ ալ անզօր ըլլայ իր դիմացինը:

Իմ նպատակիս հասնելու համար անպատճառ խղճի ատեանը ընդունելու եմ, եւ երբ հոս կ'արդարանամ, փոյթ չէ ինձ քաղաքական ատենի մը առջեւ դատապարտուիլս: Ես կ'ուզեմ որ ըսեն՝ «անմեղ էր եւ պատժուեցաւ», եւ չեմ ուզեր որ ըսեն՝ «պատժապարտ էր եւ արդարացաւ»:

Այս տողերով ինքինքս ճանշցնելէն ետքը բուն խնդրոյն դառնամ:

Էֆենտի:

Ինչո՞ւ ինձմէ աւելի բարեկամներ ունիք դուք: Ո՞վ էք դուք: Ի՞նչ եմ ես: Ի՞նչ ունիք ինձմէ աւելի: Ի՞նչ ունիմ ձեզմէ պակաս:

Շնորհիւն ու անհասանելի կամօքն Աստուծոյ երկուրնիս ալ ասուն արարածներ ենք, որ կը խորհինք, կը խօսինք, կ'ուտենք, կը քնանանք, կ'արթննանք, կը ծնանինք եւ կը մեռնինք: Արդ, ինչ որ ունիս դուն՝ իբրեւ մարդկութեան նշան, ես ալ ունիմ. եւ թէ որ ասկէ դուրս բան մը ունիս՝ որուն շնորհիւր շատ բարեկամներ ունիս, ապա ուրեմն այն բարեկամներն քուկդ չեն, այլ անոր՝ զոր դուն ունիս եւ ես շունիմ (որովհետեւ բարեկամ շունիմ):

Ի՞նչ է ուրեմն այն որ ունիս՝ ես շունիմ:

Երկու տարեկան տղայ միսկ գիտէ ասիկա ու կ'ըսէ.

Ոսկի՞ն:

Բայց ոսկին մարդկութեան նշան չէ՞:

Այն որ հոգի ունի՝ մա՛րդ է կրնանք ըսել. բայց չենք կրնար ըսել թէ՝ այն որ ոսկի ունի՝ մարդ է: Եթէ այս ըսելու կարող ըլլայինք. քակներն ու քասաներն ալ մէյմէկ մարդ պիտի ըլլային:

Ուստի երբ ոսկին դուրս հանեն այս խնդրոյն մէջէն, բոլոր քարեկամներդ ալ դուրս կ'ելեն եւ անոր կ'երթան, հետեւապէս ես ու դուն միայն կը մնանք իբրեւ մարդ՝ իրարու համապատի եւ համազօր:

Մեր խնդիրն ալ մարդկութեա՛ն խնդիր է եւ ո՛չ ոսկիի, ուստի իրամայեցէք խել մը խեղճերուն եւ տգէտներուն, որ շհայինյեն ինձի եւ մտիկ ընեն:

Եֆենտի, դուք զՄամուլ պաշտպանելով, ըսիք Արեւելեան Մամուլին.

Անօրութենէ՛ մեռիք:

Ահա ա՛յս է իմ ցաւ:

Դուք զՄամուլ պաշտպանելով Մասիսին ըսիք.

Խե՛ղճ պիտի ապրիս:

Ահա ա՛յս է իմ վիշտս:

Դուք զՄամուլ պաշտպանելով Օրագրոյ ըսիք.

Հակառակ քու աշխատութեանցդ պէտք է որ խայտառակուի՛ս:

Ահա ա՛յս է իմ վախս:

Դուք զՄամուլ պաշտպանելով, գրական ասպարէզին վրայ սնունդ հայթայթելու համար անօրի փորանց ձեռագիր գրելով, իրիկունք չոր հաց ուտելով աշխատող խմբագրաց ըսիք.

Սատկեցէ՛ք դուք:

Ահա ա՛յս է իմ մահս:

Թող հայ լրագրութիւնը մեռնի՛, թող ան ու աս յանիրաւի խայտառակուի՛, ես պիտի զրուն՛ամ, ըսիք:

Ահա այս է ձե՛ր մահը:

Ահա ա՛յս է ճշմարտութիւնը:

Ալ ի՛նչ կ'ուզէք ըրէք Մեղուին, բայց սա գիտցէ՛ք, որ Մեղուն անանկ վիճակ մ՛ունի, ուսկից ո՛ր վիճակին որ ենթարկուելու ըլլայ նէ՛ առաջինէն աւելի աղէկ պիտի ըլլայ:

Զգուշացէ՛ք, շարութիւն ըրած ատեննիդ բարութի՛ւն կ'ընէք եւ ես ձենէ բարիք տեսնել չե՛մ ուզեր. միայն թէ ասանկ խնդրոց մէջ մալ խառնուելու շըլլաք նէ՛ լրագրութեան մեծ բարիք մը ըրած կ'ըլլաք:

Խնդրելով որ ընդունիք իմ յարգանքս,

Մնամ ձեր վսեմութեան ինչպէս որ արժան է մնալ:

ԽՈՐՀՐԴԱԾՈՒԹԻՒՆՔ ՄԵՂՈՒԻ

Ազնուականութիւնը ժառանգական չէ: Այն մարդը, որ առանց առաքինի ըլլալու կ'ըսէ, թէ հայրս ազնուական էր եւ ես ալ անոր համար ազնուական եմ, կը նմանի այն մարդուն, որ առանց բժշկութեան արհեստը սորվելու, կ'ըսէ, թէ ես բժիշկ եմ, որովհետեւ հայրս բժիշկ էր:

Մի՛ զարմանաք, երբ տեսնէք, որ տգէտները մտիկ չեն ըներ: Խրատը դեղ է, որ ականջով կ'ուտուի, կա՞յ տղայ մը, որ դիրութեամբ դեղ առնէ:

Շատ անգամ դատողութիւնը կրնայ ճշմարտութիւն մը գտնելու օգնել, բայց չկրնար ճշմարտութիւն ըլլալ, ինչքան որ լապտեր մը կրնայ կորսուած ոսկի մը գտնելու օգնել, բայց չի կրնար ոսկի ըլլալ:

Աւելի կ'ուզեմ սատանայից օգնութեամբը իրաւո՞ւնքս վայելել, քան թէ
հրեշտակա՛ց դասուն մէջ իրաւունքս զրկուիլ:

Աւելի կը վախնամ, որ իմ ուրիշներուն վրայ ունեցած կարծիքս չփոխուի, քան թէ
ուրիշներուն իմ վրայ ունեցած կարծիքը:

Շատերը կը զարմանան թէ՝ ինչո՞ւ մեր երեսփոխանութեան մէջ տգիտութիւնը
մեծագոյն մաս կազմած է:

Այս զարմանքը խնդալս կը բերէ, մի՞թէ աղքատները միշտ մեծագոյն մաս չեն
կազմեր:

Օրագրոյ դրամագլուխը սուտն է, ինչպէս որ մուրացկանի մը դրամագլուխն ալ
բարեմաղթութիւնն է:

Ասանկները դրամագլուխնին լմնցած օրը կը սկսին միայն հարստանալ:

ԽՆԴՐՈՅ ՄԵՌԵԱԼՆ Ի ՏԵՍԼԵԱՆՆ ՄԵՂՈՒԻ

Ընթերցո՞ղ, ես ալ երազ կը տեսնեմ, եւ շիտակը հասկնալ կ'ուզես նէ՝ երկու
անգամ կը տեսնեմ, մէկը արքնութեանս մէջ եւ մէկալը քնոյս մէջ. միայն սա
պայմանաւ, որ արքնութեանս մէջ ուզած երազներս կը տեսնեմ, այսինքն զուարք
եւ մարդս երջանիկ ընող երազներ:

Երէկ իրիկուն անկողին մտնալուս պէս՝ դեռ չքնացած՝ սկսայ երազել: Բախտը
անանկ բերաւ, որ այս երազիս մէջ, չիյտեմ ինչպէս եղաւ՝ միլիոնաւոր լիրաներ
վաստկեցայ:

Նախ հացագործ Զաքար աղային ազգէն առնելիքը վճարեցի: Վերջը Ներսէսեանը կանչեցի, հազար ոսկի ալ անոր տուի. ա՛ն աս ոսկիները, եւ Իմաստիէի դպրոցին վրայէն շնչէ քու անունդ եւ իմինս փորել տուր:

Այս գործն ալ լմնցունելէն ետքը, շիտակ Պերա ելայ: Փողոցները ցեխոտ ըլլալուն՝ չկրնալով մէկ կողմէն դիմացի կողմը անցնի, քոմիսիոնին ստակ տուի, որ Մեծ փողոցին մէջ քանի մը կամուրջ շինէ, որպէսզի մէկը կարող ըլլայ մէկ խանութէն անոր դիմացի խանութը անցնի:

Այս մեծագործութիւնն ընելէն ետքը, շիտակ գերեզմանատունը վագեցի, անոր շուրջը իսկոյն անառիկ բերդերուս պէս բարձր պատ մը քաշեցի: Մէջը մտայ, եկեղեցին ի հիմանէ նորոգելով՝ գմբէքաւոր եւ ընդարձակ եկեղեցի մը շինել տուի, եկեղեցիին դուան վրան ալ այսպէս փորագրել տուի. «Ծինեցաւ արդեամբ Մեղուի ի քուականին տեսլեանն Մեղուի»:

Հայերը աս տեսնելնուն պէս՝ ինձի վագեցին. աշխարհիս մինչեւ վերջը ինձի երախտապարտ մնալու երդում ըրին: Մէկը ձեռքս կը համբուրէր, անդիէն ուրիշ մը ի ծունր իշած կը խնկարկէր զիս. ուրիշ մը ոտուներս պլլրած՝ չէր թողուր որ քալեմ, ամէնքը կու գային քալթոյիս բեշերը համբուրելու, անանկ որ, ճարս հատաւ, քալթոս հանեցի եւ ծառէ մը կախեցի, որ հոն երթան համբուրեն, ապսպրեցի ալ, որ համբուրելէն վերջը վրայի տիղմերն ֆրշայով մը սրբեն:

Հասարակութեան կողմէ տրուած այս երախտագիտական ցոյցերով արբշիոն՝ սկսայ թոշիլ ու վեր բարձրանալ, այնչափ բարձրացայ, որ վերջապէս գետնին տակը մտայ:

Քնացեր էի, եւ գէշ երազները՝ պանդուխտ հայու երազներն իսկ շատ տեսնելով՝ զիս մեռելոց մէջ տարած էին:

Ուկրներու տօնավաճառին մէջ կը գտնուէի. չէի խօսիր, չէի տեսներ, մեռած էի:

Կմախքները զիս մեռեալ տեսնելնուն վրայ սրտմտած՝ ամէնը մէկէն վրաս վագեցին եւ ըսին, զարթի՛ր, եւ ըսէ՛ մեզ, մեր հանզստութիւնը խոռվելո՞ւ եկար հոս, ըսէ՛, չէ նէ՛ հիմա զքեզ կը բզրտ... ըսելնուն շմնաց, շուտով նոր հոզի զգեցայ,

ՀԵ ԱԷ՝ իրաւ պիտի բզբուշին:

Ո՞հ, ըսին ամէնքը միաբերան, հայրենիքէ աքսորեալ, լեռներու, ձորերու մէջ թափառեալ, անողոք բախտէն հալածեալ՝ թշուառ կեանք մը անցնելնէս յետոյ գերեզմանէն ալ պիտի աքսորուինք: Ուրեմն գերեզմանին մէջ ալ չիք հանգստութիւն հայոց համար. բայց ո՛չ, ո՛չ, եթէ կենդանի հայերը մեռեալ են, մեռեալ հայերը դեռ կենդանի են.....

Մեռելոց համար լրազրական տեսչութիւն շրլալուն ուրիշ շատ խօսքեր ալ ըրին, բայց մեր... մեր... մեր միտքը չմնաց:

Մեր միտքը չմնացած խօսքերը ըսելէն յետոյ՝ երբ քաժնուելու վրայ էին, մէկը եկաւ ասոնց մէջ կայնեցաւ: Գրպանէն եօթը ութը քաակ ոսկի հանեց. չգիտեմ, որ իմ ոսկինե՞րս գողցած էր, չե նէ՝ ան ալ ինձի պէս երազ տեսած էր:

Ոսկիները ցոյց տալով՝ ըսաւ իրենց, թէ որ ասոնք տալու ըլլամ նէ՝ դուրս կ'ելնէ՞ք: Մէկ մասը այո՛ ըսաւ, միւս մասը՝ ոչ, եւ ինչպէս որ ամէն կոիւ այո էն եւ ոչ էն կ'ելնէ՝ մեծ պատերազմ ծագեցաւ իրենց մէջ:

Վախէս կը դողայի:

Պատերազմի միջոցին պատկառելի մարդ մը եկաւ դրօշ ի ձեռին. դրօշին վրայ գրուած էր՝ կրօնքը արծաթասէր չէ. ասոր վրայ կոիւր դադրեցաւ եւ ամէնքը միաբանեցան:

Մեռեալ հայոց միաբանութեանը վրայ զգացած ուրախութենէս արթնցայ եւ տեսայ, որ՝ ոչ Զաքար աղան ստակը առեր է, ոչ ալ Պերայի մէջ կամուրջ շինուեր է. հելէ գերեզմանին շուրջը քաշած պատս եւ շինած եկեղեցիս չիյտեմ ինչպէս եղեր՝ անյայտ եղած են:

Թո՞ղ ըլլան, հարկաւ մօտ օրերս երազ մ՞ալ կը տեսնեմ եւ առջի շինածէս աւելի հաստատ կը շինեմ:

Մի՛ խնդաք, հարուստներ, եթէ իս երազներս ձեզի համար իրողութիւններ չեն, ձեր իրողութիւններն ինձի համար երազներ են. եւ ժամանակը եթէ

իրողութիւնները երազի կը դարձնէ՝ հարկաւ օր մալ երազները իրականութեան կը դարձնէ:

ԽԱՅԹՈՒՄԾՔ

Մեղու այս օրերս ապահովութեան սենեակ մը բացած է, եւ կ'ապահովէ այն ամէն բաները, որք կորսուելու ենթակայ են:

Ուզողը կրնայ մեզ գտնել եւ ուզածը սիկուրթայ ընել:

Առ այժմ սիկուրթայի դրուածները հետեւեալներն են.

1. 1.Պեկեանէֆենտիի փաստի կողովները:
2. 2.Տերոյենցպատուելիին համբաւը:
3. 3.Մանզումէինականջները:
4. 4.Ասիայինսկզբունքը:
5. 5.Պտտիլշատ սիրող կնիկները:
6. 6.Բաղնիքացողներուն ծխախոտի տուփը:
7. 7.Պատրիարքարանգացող եւ դոնապանին պախշիշ շտուռներուն ոտքի ամանները:
8. 8.Շոգենաւամտնելով քնացողներուն պիլեքները:
9. 9.Իզմիրցոց՝Խորէն եպիսկոպոսին վրայ ունեցած համարումը:
10. 10....տին առաջնորդութեանը տակ ապրող ժողովրդեան կրօնքը:
11. 11.ՄատմազելՄարթային փոքրիկ գլխարկը:
12. 12.Մեղուինզուարթութիւնը:

Սիկուրթայ քոնել ուզողները չյոգնեցնելու համար մենք իրենց ոտքը պիտի երթանք. բայց որովհետեւ չենք կրնար մեր գրասենեակէն բաժնուիլ, որոշեցինք աղաշել Խրիստարի Էֆենտիին, որ մեզի օմնիպիս մը տայ՝ որպէսզի գրասենեակնիս օմնիպիսի մէջ դնենք եւ այնպէս պտտինք:

Այս առթիւ պարտք կը համարիմք Մեղուէն առնելիք ունեցող Էֆենտիներուն յայտնել, որ պարապ տեղը շբարեհաճին մեր սենեակը զալ, որովհետեւ հոն

Հպիտի կրնան գտնել մեզի:

Դատապարտեալ մը առջի օրը կ'ըսէր ինձ թէ՝ եթէ զոյզ մը ոտքի աման տայի իմ դատաւորիս, դատը կը վաստկէի:

Ահա ոտք մը՝ որ կաշառ կ'ուտէ, ահա ոտք մը՝ որ իրեն կօշիկ տուողին իրաւունք կու տայ:

Սթափեցէ՛ք, ազգայինք:

Ով որ կարգուելու նպատակաւ աղջիկ մը տեսնել կ'ուզէ, պէտք է որ աղջիկը տունը տեսնէ եւ ոչ թէ փողոցը:

Որովհետեւ,

Աղջիկ մը՝ տան մէջ նիհար՝ խսկ փողոցը գէր է.

Տան մէջ ամբարտաւան՝ փողոցը հեզ ու խոնարհ է.

Տան մէջ թուխ՝ փողոցը ճերմակ է.

Տան մէջ տարիքն առած՝ փողոցը մատղաշ է.

Տան մէջ աղքատ՝ փողոցը հարուստ է.

Տան մէջ սատանայ՝ փողոցը հրեշտակ է.

Տան մէջ ծոյլ՝ փողոցը ժիր է.

Տան մէջ թեթեւ՝ փողոցը ծանր է.

Տան մէջ վանողական՝ փողոցը քաշողական է.

Տան մէջ (մօտէն) տգեղ՝ փողոցը (հեռուանց) գեղեցիկ է:

Անոնք կրնան միայն փողոցին մէջ աղջկան մը հաւիլ եւ հետը ամուսնանալ՝ որոնք որ իրենց կնիկը միշտ հեռուէն տեսնել կ'ուզեն:

Մի՛ բարկանաք, օրիո՛րդ, ձեզի այսպէս հարուածելուս համար:

Եթէ ձեր ընթացքը այսպէս շարունակէք՝ պիտի սկսիմ ակնարկութիւններ ալ ընել:

Պուալո երգիծաբանի մը համար կ'ըսէ թէ՝ ոչ թէ միայն ծաղրած անձին անունը կու տար, այլ արուեստը, տեղն ու թաղն ալ կ'ըսէր, որ շրլայ թէ սխալմամբ ուրիշ մը հասկցուի:

Ինչպէս որ հարուստ մը սիրտը նեղանալուն պէս սա նարտը քերէ՛ք, կ'ըսէ, ինչպէս որ տղայ մը ձանձրանալուն պէս խաղալիքը կ'ուզէ՝ ես ալ քիչ մը ձանձրանալուս պէս կ'ըսեմ.

Ցրուի՛չ:

Ի՞նչ կ'ուզէք:

Սա Ասիան քեր:

Անցեալ շաբաթ օր Էտիրնէ երթալու համար ճամբայ ելնող շոգեկառքը ճամբուն գծէն դուրս ելեր եւ աւազին վրայ կայներ է:

Մեր քաղ. ժողովն ալ գծէն դուրս ելեր է, քայց առանց վհատելու դարձեալ կը քալէ. ինչէ՞ն է, որ այս շոգեկառքը կեցեր է:

Որովհետեւ շոգեկառքը գծին վրայէն քալելու համար շինուած է:

Անանկ է նէ՛ քաղ. ժողովն ալ գծէն դուրս քալելու համար շինուած է:

Զարմանալի չէ, որ Միսաքեան Էֆենտին քանենինց տարի Բարիկ կեցած ըլլայ ու պարապ դարձած ըլլայ:

Զարմանալի չէ, որովհետեւ քաղաքը չէ, որ զմարդ կը լուսաւորէ, այլ մարդն է, որ զքաղաք կը լուսաւորէ:

Ասիան լրագրաց արժանիքը քննադատելով ի՞նչ սկզբունք քարոզած կ'ըլլայ:

Սա սկզբունքը քարոզած կ'ըլլայ՝ թէ մարդ իր շգիտցած քանին վրայ կրնայ քննադատութիւն ընել:

Ասիային այդ յօդուածը կարդացած ատենդ ի՞նչ կու զայ միտքդ:

Միտքս կու զայ այն առակը՝ որուն բարոյականն է թէ՝ Աստուա՛ծ, մի՛ մատներ զմեզ ի ձեռու յիմար դատողաց...

Օրագիր այս օրուան թերթին մէջ կինն Երկըն է ն զատելու սկզբունքը դատապարտող անզուզական իմաստակներուն վրայ գրած յօդուածը այսպէս կը վերջացնէ.

«Աստուած մարդուս խելքի պակասութիւն չտայ»:

Ահա մարդ մը, որ միշտ իրեն համար կ'աղօթէ...

Խոսիլ մի՛ տար զիս, ընթերցող, որովհետեւ բնութեան մէջ ալ այլանդակ քաներ տեսնել սկսայ:

Ի՞նչ հարկ կայ ականջ տալ այն մարդուն՝ որուն խօսելու պաշտօն տուեր է քնութիւնը. ի՞նչ հարկ կայ լեզու տալ այն մարդուն՝ որուն լսելու պաշտօն տուեր է քնութիւնը:

Գլուխը մարդուս ջրամբարն է, որուն ծորակն է լեզուն: Ո՞վ քնութիւն, ինչո՞ւ ծորակ դրեր ես այդ ջրամբարին՝ որուն մէջ ջուր լեցուցած չես:

Այդ տեսակ մարդիկ կը նմանին աղքիւրի մը, որ ծորակ ունին եւ ջուր չունին: Այդ տեսակ մարդիկ ըստ իս զարդի համար ստեղծուած են, եւ կը նմանին հայկական այն բառերուն՝ որք զարդի համար միմիայն կը գործածուին պերճախօսութեան մէջ:

Ո՞վ Մանզումէ, եկո՞ւր իմ զուարծական պերճախօսութիւնս քիչ մը զարդարելու...

Բարեկա'մ, յօդուած մը գրած եմ, եւ կ'ուզեմ Օրագրոյ խմբագրին տալ:

Գնա՛ տուր:

Ես չեմ ճանչնար զինքը, հետեւապէս իմ յօդուածս շընդունիր, անոր մէկ բարեկամին հետ երթալու եմ, որ ընդունի: Կը ճանչնա՞ս անոր բարեկամներէն մէկը, որ կարենայ յօդուածս հրատարակել տալ:

Այո, կը ճանչնամ:

Ո՞վ է:

Ստակը:

Մանչուկ, սա լիսթան քեր, նայինք ի՞նչ կերակուր եփեր էք այսօր:

Հրամմեցէք:

(Կարդալէն ետքը): Աս լիսթան ալ մեր լրագիրներուն կը նմանի. Ամէն օր միեւնոյն բաները կը գրուին մէջը:

Երեսփոխանական ժողովին մէջ երբ ժողովրդեան կողմէ ձայն մը ելնէ՝ ատենապետը իսկոյն զանգակը հնչեցնելով կը յայտարարէ՝ թէ ժողովը պիտի զոցեմ երբ ժողովուրդը հանդարտ չկենայ:

Ասիկա բարի սովորութիւն մ'է, բայց ինչո՞ւ համար մեծկակ զանգակ մ'ալ ժողովրդեան ձեռքը չեն տար, որ ան ալ միեւնոյն յայտարարութիւնը ընէ, երբ ժողովին մէջ երեսփոխանաց մէկուն կողմէ անկարգութիւն մը պատահի...

Գաղղիացիք ալ տղայ են, գործերնին թողած՝ դրօշակի խնդրով կը զբաղին:

Ամէնն ալ զրեթէ համաձայն են դրօշակ մը ունենալու մասին, բայց տարաձայն են այդ դրօշակի գոյնին մասին: Ոմանք կարմիր կ'ուզեն եղեր, ոմանք ալ դեղին:

Ինչպէս որ կ'երեւի, խնդիրը ճաշակի վրայ է. մէկուն ճաշակին ճերմակը կու գայ, միւսին ալ դեղինը: Իմին ալ ճաշակս հարցունես նէ՝ ես ալ կ'ըսեմ՝ թէ սեւին վրայ ճերմակը աղէկ կը վայլէ, եւ կ'առաջարկեմ, որ դրօշակին մէկ կողմն ալ իմ ըսածիս պէս ըլլայ:

Ո՞վ գաղղիացիք, այնշափ գոյներու ներկեցիք Գաղղիան, որ գոյն շմնաց, եւ հիմա գոյն մը չէք կրնար գտնել ձեր դրօշակը ներկելու...

Հարուստները ինչո՞ւ համար դեռ վաստկիլ կ'ուզեն:

Օր մը Ռոշիլտին հետ մրցելու համար:

Ռոշիլտ որո՞ւ հետ մրցիլ կ'ուզէ:

Տիեզերքին հետ:

Չըսե՞ս, որ խենդ է:

Դուն ըսիր:

Ստեփան Էֆենտի Փափազեանը ազգասէ՞ր է:

Եշմիածին տպուած օրացոյցը բեր, մէջը նայինք, ազգասէր է նէ՛ հարկաւ մէջը գրուած է:

Ի՞նչ կ'ըսես, օրացոյցին մէջ անանկ բան կը գրուի՞:

Գրես նէ՛ չը՞գրուիր: Մինչեւ հիմա մէկու մը ազգասէր ըլլալը անոր գործերէն կը հասկցուիր, ասկից վերջը օրացոյցէն պիտի հասկցուի:

Առ ի՞նչ ըսել է:

Ահաւասիկ Եշմիածնայ օրացոյցին գրածը. հինգերորդ տարեղարձ օժման վեհ. Գեորգ ազգասէր կաթողիկոսին:

Ո՞ր ես, տէր Երեմիա, ո՞ր է սխալացոյցդ:

Ի՞նչ են ազգային Երեսփոխանները:

Մէյմէկ դերասան:

Ի՞նչ կը ներկայացնեն:

Ազգը:

Փափազեան Էֆենտին ի՞նչ դեր կը կատարէ այս ներկայացման մէջ:

Չարազործի դերը:

Քննիչ յանձնաժողովի տեղեկագիրը անցեալ շաբաթ դէպի խնդրոց կարգը ուղեւորուեցաւ:

Խնդրոց կարգը ի՞նչ է:

Լարիորինքոս՝ ուսկից ներս մտնողը դուրս չկրնար ելնել:

Աղտեղութեամբ մածեալ եւ լրագիր անուան անարժան եղող Մամուլը իր վերջին թիւերուն մէկուն մէջ Մեղուին համար անանկ խօսք մը կ'ընէ՝ զոր հոս քառ առ քառ դնելու կ'ամշնայինք՝ եթէ յիշեալ գարշահոտ քուղթին արժէքը անգամ մ'ալ հասարակութեան ճանչցունել չուզէինք: Ահաւասիկ իր խօսքը.

Ծո՛, սա Մեղուն արտաքնոցին ծակը նետեցէք:

Ոմանք աս կարդացած ըլլալով՝ կ'ըսեն.

Ի՞նչ մեծ անպատութիւն Մեղուին համար...

Իսկ մենք կ'ըսենք.

Ասիկա մեծ անպատութիւն չէ Մեղուին համար, այլ մեծ պատի է արտաքնոցին համար:

Արժանիքէն աւելի անձի մը կամ քանի մը տրուած պատիւն շողոքորթութիւն ըլլալով՝ Մամուլ այդ խօսքովը արտաքնոցը շողոքորթած կ'ըլլայ: Կը յորդորենք Մամուլը, որ մէյ մ'ալ ասանկ քան չընէ, որովհետեւ կրնայ ըլլալ, որ յիշեալ արտաքնոցը վաղը ելնէ զոռոզանայ եւ ինքինքը քանի մը տեղ դնէ:

Մամույ արդի վիճակը մեր ըսածը լիովին կը հաստատէ:

Հինգշաբթի օրը ըստ լատինացւոց Յիսուս ծնած ըլլալով՝ պորսան չքացուեցաւ:

Ո՞ւ իր թէ Յիսուս ամէն օր ծնանէր՝ ի զոհութիւն քիրաւոր ընտանեաց:

Աւստրիոյ մէջ պատերազմի պատրաստութիւն ըլլալ կը կարծուի, որովհետեւ ընկերութիւն մը կազմուեր է հոն տատրակներուն նամակ թերել տանել սորվեցունելու համար:

Ըսել է թէ ամէն պատրաստութիւն տեսնուեր եւ գործը միայն տատրակներու մնացեր է, եւ թէ տատրակները այս արուեստը սորվելնուն պէս՝ կոհիր պիտի սկսի:

Լրագրի մը մէջ կարդացի, որ այս օրերս Եւրոպայի չգիտեն ո՞ր կողմը շորս ոտքով տղայ մը ծներ է:

Ահաւասիկ տղայ մը՝ որ Պոլսոյ մէջ անվախ կրնայ քալել ուզած տեղէն, որովհետեւ եթէ դիպուածով թրամուէյը անոր մէկ ոտքը կտրէ նէ՝ անդին երեք հատ ալ ունի եւ անոնցմով կրնայ քալել:

Հայրի՛կ, ի՞նչ են հարուստները:

Մեծ զողեր են, տղաս, որ պզտիկները կը կողոպտեն:

Էյ, ասոնք զողածնին որո՞ւ կու տան, որ պահէ:

Սնանկութեան:

Վաղը բոլոր դպրոցներուն մէջ Վարդանանց զօրավարաց առթիւ ճառեր կը կարդացուին: Այս ճառերը Վարդանանց քաջութեամբը կը սկսին ու ազգային դպրոցներուն խեղճ վիճակին վրայ ցաւելով կը վերջանան: Քանի մը տարիէ ի վեր կարդացուած ճառերուն վերջաբանը գրեթէ միշտ դպրոց Է՝ ինչ որ ալ ըլլայ այդ ճառին վերջաբանը:

Ճառերը կարդացուելին ետքը քաջն Վարդանայ ողբերգութիւն մը կը ներկայացուի: Ամէն դպրոց իրեն համար զատ ողբերգութիւն մը ունի, մէկուն մէջ կը նայիս, որ Վարդանը պատերազմին մէջ կը մեռնի, միւսին մէջ Տղմուտ գետին մէջ կը խեղդուի, մէկալին մէջ պատերազմէ դառնալին ետքը կը մեռնի, վերջապէս ամէն մարդ ուզածին պէս կը մեոցունէ քաջն Վարդանը. եկու տես, որ քաջն Վարդան այս ողբերգութեանց մէջ ալ կը ցցունէ իր քաջութիւնը. զինքը մեոցնող ողբերգակներուն մեծագոյն մասն ալ ինքը կը մեոցունէ...

Արդ, վաղը քաջն Վարդան կը պատերազմի ոչ թէ պարսկաց դէմ, այլ մեր ողբերգուներու դէմ, եւ ես ապահով եմ, որ քաջն Վարդան յաղթանակը պիտի տանի:

Բարեկենդանը ի՞նչպէս կ'անցունէք կոր:

Այնչափ կը խմենք կոր, որ ինչպէս անցնիլը չենք կրնար կոր իմանալ:

Շատ խմելը վնասակար չէ՞:

Վնասակար է, բայց հաճոյքն ալ դժբախտաբար միշտ շատին մէջն է...
չափաւորութեան մէջ հաճո՞յք կայ:

Բայց ատով ապագան կը վնասուի, պէտք է որ ապագան ալ մտրէ շիանենք:

Այնչափ նեղ վիճակի մէջ եմ, որ ներկային վրայ խորհելին ապագային վրայ մտմտալու ժամանակ չեմ ունենար կոր: Այսօրուայ հացը ճարելու կը նայիմ կոր եւ վաղուան համար հոգ ընելու ատեն չեմ ունենար կոր:

Ահաւասիկ ակամայ աշակերտ Աւետարանի՝ որ կ'ըսէ. «Վաղուանը մի հոգար»:

Եղբա՛յր, դուն գրագրութի՞ւն կ'ընես կոր եղեր:

Այո՛:

Դուն առաջ խոհարար էիր նէ:

Այո՛, խոհարար էի, քայց օր մը աղէկ կերակուր եփեր էի, տէրս հաւնեցաւ, խոհարարութենէ հանեց՝ սենեակը տարաւ, ամսականս աւելցուց՝ գրագիր ըրաւ:

Կրնա՞ս կոր ընել:

Չեմ կրնար կոր, առջի օրը սխալմունք մը ըրի եւ կարծեմ ճամբայ պիտի տան...

Յանցանքը խեղճին չէ, այլ տիրոջը. կերակուրին հաւնեցաւ նէ՝ քո՛ղ խոհանցի պետ ընէր եւ ամսական աւելցնէր ու հիմա ալ չճամբէր...

Ասանկ անյարմար պաշտօնաբաշխութիւնները նոր չեն, հիներուն մէջ ալ կը տեսնենք:

Նարուզողոնոսոր երազ մը կը տեսնէ. Դանիէլ այս երազը կը մեկնէ.

Նարուզողոնոսոր զինքը իրեն երկրորդը կը կարգէ:

Նարուզողոնոսորին տեղը ես ըլլայի նէ՝ Դանիէլը երազագէտ կ'անուանէի:

Հայրենիքին մէջ կը կարդանք, որ Պաթումի ազգայինք եկեղեցիի մը շինութեան ձեռնարկած ըլլալով՝ տեղույն կառավարութիւնը եկեղեցին կոխեր է:

Կը կոխէ եա՛, տեղույն կառավարութենէն հրաման չառած՝ Աստուծոյ աղօթել ի՞նչ ըսել պիտի ըլլայ...

Հայրի՛կ, թատրոնի մը մէջ կատակերգութիւն մը ներկայացուած ժամանակը հանդիսականք խնդան նէ՛ ի՞նչ ըսել է:

Դերասանները ծափահարել ըսել է:

Եյ, ողբերգութիւն մը ներկայացուած ժամանակը դերասանները խնդան նէ՛ ա՞ն ինչ ըսել է:

Մարդ Աստուծոյ, ամէն զիշեր զինո՞վ պիտի զաս ասանկ:

Դուն ալ ամէն զիշեր սա խօսքը պիտի ընե՞ս:

Գինով մի՛ զար, որ չըսեմ:

Մի՛ ըսեր, որ զինով չգամ:

Տեսա՞ր, ընթերցո՞ղ, մարդոյ յանցանք չունի եղեր, բոլոր յանցանքը կնկանն է, որ կը բարկացնէ կոր իր երիկը եւ զինով ըլլալուն պատճառ կ'ըլլայ կոր:

Ասոր սկզբնաւորութիւնը ի՞նչպէս է արդեօք: Նախ երիկը զինով զացեր է տէ՛ կնիկն ալ զինո՞վ ըսեր է, չէ նէ՛ նախ կնիկը կեցած տեղը զինով ըսեր է տէ՛ երիկն ալ բարկացեր ու խմել սկսեր է:

Կար կարելու մեքենայ տեսած ու լսած էինք, բայց աղօթելու մեքենայ ո՛չ տեսած, ո՛չ ալ լսած ունէինք. այս անգամ Աւետարերին մէջ աս ալ տեսանք:

Չեմ յիշեր, ո՛ր ժողովուրդը ընելիք աղօթքը մեքենային ընել կու տայ եղեր: Եթէ ասիկա հնարաւոր է, ի՞նչ հ արկ կայ եկեղեցի երթալու, ամէնքնիս ալ այն մեքենաներէն մէյ մէկ հատ քերել տանք, եկեղեցիին մէջը դնենք, դոները գոցենք, թո՞ղ մեր տեղը անոնք աղօթեն՝ լմննայ երթայ:

Ասկից զատ՝ մեզի համար շարունակ աղօքողներ ըլլան նէ՝ մենք ալ հանդարտ սրտով ուզածնուս չափ կրնանք մեղք գործել, միայն թէ ձեքը մեքենաներէն պակաս ընելու չէ, որ աղէկ եւ շուտ բանին:

Ամէն քատերասէր ազգայինք զիտեն, որ մեր հայերէն ողբերգութեանց մէջ հրեշտակ մը եւ ոզի մը կայ:

Աս լմնցաւ:

Երէկ զիշեր երազիս մէջ կը տեսնէի, որ Աստուած մէկուն հոգին առնելու համար հրեշտակ մը կ'ուզէր: Հրեշտակ շունինք, պատասխանեց հրեշտակապետը, ամէնն ալ հայոց ողբերգութեանց մէջն են:

Արթնցայ եւ ըսի.

«Անշուշտ հայ ողբերգութեանց հոգին առնելու համար...»:

Մեր ողբերգակները՝ որպէսզի ըսուի թէ այս խաղին մէջ ոզի կայ, ոզի մը կը դնեն կոր իրենց ողբերգութեանց մէջ: Ինչ օգուտ, որ հրեշտակ մ'ալ կը դնեն կոր եւ հրեշտակը խաղին ոզին կ'առնէ կ'երթայ կոր...